



30. maj 2017

Inatsisartut Suleriaasianni § 37 naapertorlugu Naalackersuisunut apeqqutit imaattut matumuuna saqqummiuppakka:

1. Suna tungaviusumik isumiortaasiuva, periarfissaatinneqarmat Danmarkimi nunaniluunniit allani piffissaq sivisooq atorlugu ilinniagartuunngorniarsinnaaneq sutigut tamatigut akiliunneqarluni, angalanermut, ilinniarnermut akitsuummumut aamma ilinniagaqarnersiutinut. Kisiannili malittarisassat 12 Pax naapertorlugit nunatta imartaani angallammik attartortittakkamik angalaniaraanni taava pikkorissarneq piginnaanngortitsisussa q nammineq akilertariaqartarpoq?

2. Naalackersuisut eqqarsaatiginerlugu tamatumap pisarnera allanngortinniarlugu, ajornannginnerulersillugu akikinnerulersillugulu inatsisit malillugit pisussaaffigineqartut pikkorissarnissat, piginnaatitsilersussat takornariartitsinermi suliaqarnermi angallatinik ingerlatsisuunissamut?

(Inatsisartunut ilaasortaq Michael Rosing, Demokraatit)

Tungavilersuut:

Naapertuilluartuliornissaq sulisussaqaarnerlu eqqarsaatigalugu tungaviusumik isumaliortaatsimut tulluannigilaq. Uanga piffissaq sivisooq atorlugu ilinniagartuunngorpunga namminersornerullutik oqartussat akiligaaannik. Kisiannili inuit angallassisartunngorusuttut nammineq pikkorissarnermut akitsuut 30.000 koruuniusoq akilertariaqarpaat - qaavatigullu suliffiminniit qaammat ataaseq sulinngiffeqarlutik pikkorissarneq naammassiumallugu.

Angallassisutini naalakkat aasakkut angallassisartut takornarianik sullissinermi pingaarutilerujussuupput angallateqanngikkaanni illoqarfiup avataanukarnissaq periarfissaaneq ajormat. Angallateqqaani naalakkat amerlaqisut ukiukkut allami suliffeqartarput. Taamaattumik periarfissaasariaqarpoq naleqquttumik pikkorissarnissap akeqartannginnissaa aamma naliginnaasumik ulluni naliginnarni sulinermut akornutaavallaanngitsumik. Pikkorissarneq sumiissusersiornermut, ikuallattoornissamut aamma annaassiniarnermut, motorilerinermullu immikkoortukkuutaarlugu aamma sanaajoreerpoq. Taamaattumik tulluassagalarpoq pikkorissarnerit unnukkut sapaatillu akunnerata naanerani pisartussanngorlugit neqeroorutigineqartartuuppata, inuit pikkorissarusuttut pikkorissarsinnaanngorlugit ukiup imaluunniit ukiut arlallit ingerlanerani taamaasillutik sulliviminni qaammat ataaseq sulinngiffeqartariaarullugit.

Apeqqutit akeqqakka ullut suliffiit naliginnaasut qulit iluanni.